

小司馬奏草

小司馬草卷之六

職方稿

題爲嚴禁下海奸人勾引接濟逋賊貽害地方事  
查呈到部看得兩廣總督右都御史凌 具題前  
因太率謂福建廣東等處沿海姦民私造雙桅大  
船裝載違禁硝黃軍器等貨物下海通番買賣勾  
引接濟爲患地方乞要查議備行福建撫按官查  
前項下番買賣商船果否係歷年通行大例卽今  
應否禁革或明白定議凡有力之家願往貿易者  
許從實報官里隣保結仍由海道衙門出給文引

撫按驗明掛號引內明開船主夥伴水稍等姓名  
其船丈尺長濶若干裝載某項貨物至某番貿易  
定限某時回銷至下次另給稅銀照貨上納出海  
與回籍俱聽海道委官照數盤驗如有夾帶違禁  
硝黃軍器等項照例問罪貨物船隻入官其隨帶  
刀槍銃砲亦要報官回日照數點驗或船隻數多  
分爲二班一班出海一班守候如遇海上有警卽  
責守候商船剿捕有功重賞或免納稅一年俱聽  
該省酌議奏

請其以前違犯姑免追究先該本部傳聞逋寇林道  
乾突犯海隅恐海濱奸豪舊黨乘機接濟煽誘爲  
患咨行本官查禁今該本官議題前來又該福建  
巡撫劉 條此四事其一謂漳州澳民私造大船  
裝載禁物潛往日本興販爲奸要行巡海海防等  
官遇有澳船俱令赴官告給船由照額打造填給  
文引并將貨物登記不許夾帶違禁諸物臨發則  
盤詰放行回還則查驗登岸其二謂漳泉商船無  
可辨查要行各該有司將大小船隻編刻字號每

船十隻立一甲長給文爲驗其三謂沿海居民間有通賊接濟欲要督行巡海道嚴行該府縣掌印巡捕等官禁諭各村澳民遵照保甲互相稽查如一家接濟則九家報官敢有容隱九家連坐其保甲長另行重處其四謂南日山寨新移吉了巡司之旁道里不均應援不及欲要移置平海衛南哨澳地方以便策應各一節爲照閩廣距海西南島夷通道獻琛自昔有之至於番貨漢物貿易往來海濱之民依以爲生勢難盡禁

國初閩廣兩浙設三市舶不徒督理貢事亦以牽制市權意深遠矣尋以浙海多故旋改旋罷惟廣東福建市舶尚存而廣南番船直達省下盤詰禁令稍爲易行福建市舶專隸福州惟琉球入貢一關自之而航海商販盡由漳泉止于道府告給文引爲據以此沿海居民富者出資貧者出力懋遷居利積久弊滋緣爲奸盜者非一日矣嘉靖之初一壞於法網之踈濶再激於禁令之滋繁釀成大禍東南驛騷頻歲以來稍稍寧息而劇賊林道乾

林鳳等逋逃島外尚漏

天誅更有點猾豪富託名服賈勾通誘引偽造引文  
收買禁貨藉寇兵而齎盜糧爲鄉導而聽賊用誠  
有如督撫二臣所言者所據各題要行查照事例  
明白定議清查船隻議察貨物編列字號照對文  
引嚴稽保甲禁緝接濟及將商船分番出洋量留  
防守委於經權適宜官民兩便但事關海防土俗  
民情貴在詳盡遽難遙度况漳泉惠潮地連二省  
相犄一水往來興販船隻記號禁令稽察事難異

同必須會議歸一方可永爲遵行至於巡撫劉  
所議移寨平海南北適中策應甚便亦合併行依  
擬恭候

命下本部移咨兩廣總督福建巡撫及咨都察院轉  
行廣東福建巡按御史等官查照前議逐一斟酌  
何者當禁何者當通何者可以阻絕接濟何者可  
以革禁私交會議停妥務期海晏夷清民安盜彌  
限萬曆七年三月內具奏前來以憑覆

請然後刊刻榜文沿海曉告斷自



令下之前先曾出海及有違

明禁者許令不時回還首告免罪自今

令下之後無論豪右不問狐鼠凡有違禁令者悉各  
付之於法則積弊可革太盜可除矣其移寨平海  
如議施行等因萬曆六年十一月初二日具題初  
四日奉

聖旨是這海禁事宜着該省督撫巡按等官會議停  
當具奏欽此

題爲廣西兵變通詳督撫章疏申叅失事官員未  
盡之罪以正紀法事案呈到部看得兵科給事中  
光等兩廣督撫官右都御史凌等各題稱廣  
西岑溪縣吏唐祐與協總金仲恩相歐知縣葉詩  
偏護妄申以致營兵激變金仲恩糾同把總張之  
賢統領營兵入縣抗官驚擾地方隨該官兵將倡  
守哨官呂子和擒斬附從惡黨斬級二十七顆擒  
獲八十三名聽行該道審將從亂數名明正典刑  
餘照軍法緝打革退其撫回各兵通行曉諭不復

窮治在兵科則稱失事各官有未盡之罪知縣葉  
詩不止過當知府李 不止罰治叅政王 不止  
免究要將各官情罪酌量輕重轉行督撫同巡按  
御史勘問正法及見獲軍犯與招回原伍除爲首  
哨官哨兵問罪其餘無辜不得濫及急行安插在  
督撫凌 等則叅稱岑溪縣知縣葉詩輕舉妄動  
所當提問梧州府知府李 委用匪人所當罰治  
分守潯梧叅將王德懋統御無方所當革任或姑  
令戴罪立功分守蒼梧帶管兵巡道右叅政王

失意外之防但變生倉卒所當免究百戶王廷棟  
與見監把總張之賢協總金仲恩等通行提問酌  
量情罪發落各一節爲照粵徼之民習俗剽悍調  
馭之術尤貴安詳所據驟起隻鴉事極微細把總  
張之賢等不勝小忿突入縣庭恣肆猖狂搖惑軍  
心煽搆起禍大違法紀知縣葉詩偏聽下吏誑申  
道府張大聲勢聳動聽聞激衆生亂寔爲厲階叅  
將王德懋提令營兵住劄岑溪去梧州三百餘里  
若使威令素行遇變能應少加鎮定衆忿自消而

乃徑入府城以致軍中無主亂是用成罪實難辭  
梧州府知府李 據其批申行提急於詰究差委  
匪人狹詐恐嚇咎將奚諉蒼梧道叅將王 控制  
遙遠變起倉卒調集兵將擒戮戎首雖若稍過功  
亦足原他如唐祐之黠悍刁誣王廷棟之假公行  
私弁金仲恩之鼓舞倡亂及見獲各兵之逞憤行  
兇孽由自作罪在不原再照漸不可長事貴防微  
叅詳前事在有司委欠調停在兵將尤屬驕悍况  
兩廣營兵素稱鷙狠今歲羅定之變斬首一百餘

級然後寧戢而岑溪又復有此且王德懋自縣入  
府復由府至縣往返數日親臨招撫然後安集則  
一其跋扈甚明若非卽時擒斬恐亦遽難解散而王  
德懋之可以撫定者亦分守之威有以懾之也所  
擬科臣叅奏惟恐玉石俱焚無辜濫及小懲大誡  
責備有司無非諄慎之意與督撫之臣題叅大略  
相同合應酌處恭候

命下將知縣葉詩革任仍咨都察院轉行廣西巡按  
御史行提到官同見監把總張之賢協總金仲恩

及百戶王廷棟該吏唐祐嚴加究問照依律例重  
擬限萬曆七年三月內回奏叅將王德懋革任遺  
下員缺另行推補知府李 量加罰治叅政王  
姑准免究行令策勵供職其生擒逃兵八十三名  
仍咨兩廣督撫會同巡按衙門酌量情罪內將首  
惡會審正法其餘情輕誘脅之徒悉照軍法細打  
革退見在撫回各兵姑准宥免責令自新緣係廣  
西兵燹通諄督撫章䟽申叅失事官員未盡之罪  
以正法紀有司處事過當將官約束不嚴致激兵

蒙及節奉

欽依兵部知道事理未敢擅便謹題請

旨

萬曆六年十一月

初四

日



題爲申明管轄地方以便責成事案呈到部看得  
巡撫應天都御史胡 題稱九江一衛治在江西  
官軍屬之直隸應天撫臣凡有地方事宜無不通  
行九江兵備該道移文無一呈覆及稱該衛軍政  
廢弛已極漕米軍器掛欠甚多皆由兵備道不相  
統屬之故有礙職掌如謂九江衛治在江西考成  
等件聽彼中守臣管理如謂干繫

祖制仍比照蘇松徽寧事例度有專責各一節爲照  
九江一帶爲

留都上游而江汴寇盜出沒恐各撫臣一時調度策應不及故沿江衛所官軍悉聽南京操巡等官調遣九江兵備亦聽節制惟九江一衛地屬江西而一應事情不關該省責成應天撫臣蓋犬牙相制意本深遠但近來諛衛屯政廢弛錢糧拖欠雖經編入考成而道里遼遠董責不前委應申飭至欲比照蘇松徽寧兵備統屬恐事益牽制不便遵行旣該巡撫具題前來相應酌處合候

命下移咨應天巡撫照舊專管九江衛分如遇有行

考成諸事不便督催者卽移咨江西巡撫衙門轉  
行九江兵備道着實幹理完報仍申江西巡撫知  
會至于一應往來文移體統禮節自有定規惟在  
各官自盡不宜輒爲紛更致滋多事則

成憲不失而職業亦脩矣等因具題奉

聖旨該地方兼制事理分屬欠明難以考成還再議  
明白來說欽此欽遵抄捧送司案呈到部

臣

等查得

九江府轄於江西而九江衛屬之直隸地方遠隔  
事體相關

臣

等愚昧議處未當仰厯

明旨許容再議臣等謹再議得南京乃根本重地九

江實南京上游土地分屬江西而軍衛遠屬直隸  
正彼此相制遠近相維之深意也然軍衛以地遠  
自委故政事易于廢弛巡撫以勢遠難及其考成  
全賴該道而九江兵備職兼軍民承上達下責任  
有歸若或徒諉殊失建官分職之義合無將道衛  
照舊分屬軍民詞訟悉聽兵備道就近聽斷事情  
重大者呈江西撫按詳允發落至于考選軍政催  
餉漕糧製造軍器清查屯丁凡係南直隸撫院當

行者悉聽備行兵備道督理考成不許故違抗拒  
如或怠玩不理許其指實叅論但九江本江西界  
屬與徽寧常鎮列在

畿內者不同一應該行事宜止許文移往來定限  
責催該道官亦不得越境叅謁送迎有妨職業則  
體統相維政務克舉而事體亦可永守矣恭候

命下移咨南直隸并江西各巡撫衙門查照施行惟  
復別有

定奪等因萬曆六年十一月十八日具題二十日奉

聖旨依議行欽此

題爲飛報地方賊情事奉本部送兵科抄出巡按雲南監察御史帥等題奉

聖旨兵部知道欽此欽遵抄出送司卷查原行事理相同爲照南夷荒徼反側常性若使封疆之臣隨事剿撫處置得宜自可消其頑梗不至跳梁詎謂好大喜功任用匪人構禍地方通查斬獲首級不下千餘而妄殺妄掠男女七百六十名身至于放火焚燒木爪等處各村絕盡則又不知其數污辱士女刼掠貨財屠戮之苦甚于盜賊今據按臣所

勘慘毒之狀真可痛心無辜生靈冤抑何枉而一時當事文武大小官員如原任巡撫雲南侍郎鄒專制一方意欲禦寇而任用羣兇乃反爲寇卽有俘斬之勞難贖荼毒之慘見任鎮守總兵官黔國公沐手握兵符隨人指使咎亦難辭但先該捷音上

聞未行查勘已經本部覆奉

欽賞繼爲巡按御史陳論奏又奉

明旨處分與已故楊守廉等及發遣發落何東江等



無容再議至如原任副使張 等各聽節制同事  
戎行明知衆寃無一敢白罪亦難解但委任權力  
不在諸人重入深文又非其手情有可原似應免  
究知縣雷起蛟等狐鼠之輩驅走爲能罪有所歸  
難以盡責亦姑免究原任州同知張思賢與未  
獲曹華已決楊一廉等累承軍門差委殺人掠財  
無一不與死有餘辜若行該省提問不惟事失證  
據亦無以厭快衆憤合嚴行拏解雲南同見關主  
應韶從重問擬武舉官生周詩等同惡相濟指揮

等官蘇天秩等助虐冒功李春華等交構煽禍雖  
騙財肆毒跡有重輕而黨惡殃民厥罪則一俱各  
嚴提重究千百戶魏朝鳳等因公效死亦合量加  
恤錄再照否臧成凶噬臍無及凡肅清明鑒後事可  
師及今以後撫鎮重臣自當仰奉

明德因俗招徠督責將領簡閱士卒厚集兵餉聯絡  
土司原額遊兵一千名見少一半仍當再行召募  
計處月糧內固保障外消爨孽其有弗率狂逞者  
但行鵬剿罪止鋤首惡不問脅從務期寇息民安

無事勞兵遠討此皆制禦長策旣該巡按御史帥  
勘議具題前來相應通行依擬恭候

命下將張 等姑與免究雷 等亦免別究張思賢

行原籍嚴行拿解曹華多方緝拿務要得獲并周  
詩等同見問王應韶俱移咨都察院轉行雲南巡  
按御史通提到官查照今題叅事理照依律例重  
擬限萬曆七年八月內回奏千百戶魏朝鳳等行  
該省量加恤錄其家及咨該省撫鎮等官督責叅  
將常住紅果哨往來虛不桶地方務要簡閱士卒

厚集兵糧原額遊兵補足一千之數無事訓練有  
警鵬剿務期寧戢諸夷保障荒徼緣係飛報地方  
賊情及奉

欽依兵部知道事理未敢擅便謹題請

旨萬曆六年十二月二十一日具題二十三日奉

聖旨

題爲懇乞

申飭邊臣勉脩實政以固疆圉以備虜患事案呈  
到部爲照重門設險所以守國臺牆城堡原不可  
廢但勢有險夷工有緩急事有後先力有難易經  
營區畫貴在得宜本部節擬各鎮題

請前項工程擬議具覆先所當先急所當急務求一  
勞永逸足堪保障其他不關緊要可緩可後者議  
行停止不得徒務脩守之名以爲勞軍費財之舉  
已經題奉

欽依通行各鎮無容別議但弊以積久而滋人以沿  
習而玩值此新歲漸及春和板築興作復將脩舉  
誠恐踵習舊弊濫議工程虛耗錢糧疲困軍力其  
有假脩築之名創遊觀之所不徒勞人費財反以  
導欲恣逸而召釁聚訟每由于此更有託名採辦  
責賣取償號爲營房按月取息此皆蠹竭財力撓  
貳人心致使虛名日張實政日損上負

朝廷責成至意亦非臣等所望於邊臣者也相應

通行題

請申飭合無恭候

命下本部移咨各鎮督撫嚴行鎮守司道等官惟將  
原經題

准應脩未完工程劑量大小斟酌緩急將步兵土兵  
分班脩築時其資予節其勞逸刻期完報不得又  
將無益臺牆等項興作他如薊鎮之賽西湖湯泉  
盤山宣府懷隆昔之飲酒樓及採取柴炭折乾取  
價等項尤宜痛行禁革務求乘此閒暇盡令鎮副  
叅遊等官訓練軍士時加撫循畜養馬匹脩造器

械申明紀律公行賞罰所積糧餉年久浥爛者照  
例出陳易新以廣儲蓄使虜之款貢不變則我之  
備禦益堅設一旦有警則戰守有資不惟可以固  
我之勢實亦可以伐虜之謀諸臣所以感

恩圖報以副

皇上責成

德意者庶不負矣等因萬曆六年十二月二十日  
具題二十二日奉

聖旨是各邊工程曾經題准緊要的看上緊脩築以



資防禦其餘不許虛冒錢糧疲敝軍力這奏內所稱  
奏西湖飲酒樓等項是何名色因何脩建作何防禦  
省各該巡按御史從實查勘具奏欽此

題爲虜大舉入犯仰仗

天威主將奮剿大捷事案呈到部看得薊遼總督撫  
鎮等官右都御史梁 等恭報大捷一節爲照兵  
以奇勝功以謀成所據速把亥諸會要挾不遂久  
蓄異謀乃者甫撤秋防乘時歲暮揚輕兵以逼關  
前將以致我之奔命擁大部於東路意在乘我之  
不虞該鎮督撫鎮巡文武將吏謂銳進之寇未可  
爭鋒而攻其必救賊乃可制潛師出塞深入賊壘  
乘虛奮擊遂使三萬之寇狼狽敗遁旣收功于塞

外及保全乎境中爲謀已奇其功甚偉在昔  
二祖肇運逐胡犁庭掃穴卓越萬古無與論功二百  
年來僅有此捷是皆

昊天純佑

列聖萃靈我

皇上神武維揚

廟謨默運之所致也是宜薦告

郊廟播諭中外庶幾懾夷會之膽而款順可堅寢猾  
夏之謀而永清可保矣除獲功員役另行論叙外

恭候

命下移咨禮部行欽天監擇日鴻臚寺於早

朝將差來人員引至

御前宣讀捷音以昭

盛事等因萬曆七年正月初十日少保兼太子太保

本部尚書方 等具題十二日奉

聖旨是該鎮屢獲奇功朕心加悅依擬奏告

郊

廟用答神庥欽此

題爲春防伊邇伏乞

申飭沿邊當事臣工勉圖實効以裨安攘事案呈  
到部看得兵科給事中光 等題稱春防在卽乞  
要申飭各邊諸臣大率謂陝西一帶虜王未回難  
保無事宜府一鎮青永貧悍尚有隱憂遼左未繼  
日思報復薊鎮屬虜異謀已形俱當預防及稱各  
邊勉圖實効者有四事焉一謂各鎮入衛兵馬勞  
久力疲延寧遠來困苦又甚應否掣回而以土著  
抵補一謂南兵浮食驕縱應否裁革均節糧餉作

何處分一謂春秋兩防分布兵馬徒爲文具令無  
駐劄信地遇有緊急策應往來一謂各邊工役類  
興軍卒疲困欲候工完暫停興作各一節爲照春  
氣融和夷馬易逞邊情虜患寔當戒嚴所議擺邊  
兵馬務求實効毋事虛文脩築工程急先要衝停  
止無益其兩兵雖云未曾當虜防守墩臺亦資其  
力卽今虜情叵測似難遽議裁革但當精加簡練  
汰去老弱嚴革頂替遇有事故間行召募土著務  
求勇力足用不得特寄空名旣該科臣具題前來

相應嚴加申飭至於入衛兵馬勞人遠戍軍力日  
疲而擁護

陵京事關重大先奉

明旨查處必須候有別兵代補方可改議撤回況今  
虜警未寧前兵分布策應未敢擅議停放但今虜  
王西牧延寧之守當加備於往時而二鎮兵馬久  
弱當此之時應將各兵暫止入衛以爲本境巡防  
俟虜王東回之日另行調發則機宜緩急可以無  
失而二鎮之兵亦可休息但事在閫外本部遽難

遼度合咨該鎮督撫議處恭候

命下本部馬上差人移文各邊督撫大臣轉行各該大小文武將吏查照節次申飭事理整練兵馬加意隄防分地固守沉幾待變在遼左當時防報復在薊鎮當嚴備屬夷在西北一帶當申明恩信加意撫處使虜之居者無携貳之念行者絕窺伺之奸凡一應防範事宜務要實心幹理以圖萬全其延寧入衛兵馬咨行薊鎮督撫衙門從長計議應否暫行停止二三年將本鎮節年召募訓練土兵



抵補防守務使經久可行具奏

定奪其分布擺邊脩築工程等項悉照本部前項節  
題事照會今議申飭施行等因萬曆七年正月十  
七日具題十九日奉

聖旨是入衛兵馬着照舊行欽此

題爲閱視屆期懇乞

聖斷

差遣脩責成以省費安邊事案呈到部看

據兵科給事中李

題謂各邊鎮有總督專任綜

核有撫鎮司道共事同心其三年

差遣大臣閱視似爲無益又謂行館鋪葺取給貧軍  
之難借備夫馬迎送往來之難供張餽廩遠方措  
辦之難更新衣器無力飾置之難增添脩葺不得  
息肩之難議論各別鎮臣可否之難况當關隴防  
禦剴遼戰守之時欲要暫停閱視以省煩費請自

萬曆七年爲始照依

欽定年限將閱視事宜責令各鎮督臣將錢糧險隘等事令各屬照式造冊行各道躬相勘閱查理廢舉分別功罪司道造冊呈送巡撫巡撫覈實各行總督督臣閱核功罪甄別賞罰奏

聞下部詳覆并督臣功能具奏請自

聖裁其

欽遣閱視大臣或六年或九年或不拘年分間一舉行各一節爲照防邊詰戎所以致理時輯屢省所

以考成先擬閱視之舉蓋因邊事稍寧恐武備廢弛

先皇帝採輔臣之議定三年之期

皇上御極以來元年一舉四年再舉乃今又復屆期

臣等方擬據例上

請科臣乃有此奏蓋謂西北款貢雖堅而虜酋往來未定東土戰守稍備而諸夷窺伺無常各路防禦戒嚴未見休息加以行邊閱視重滋煩勞條開六難明其未便欲以所閱八事責成制臣無非軫念

邊疆舍勞卽逸之意但奉有

成命遽難改移而事干疆場未易輕議

臣

等竊以爲

朝廷以邊事實効責之鎮臣而又時遣大臣分投  
考閱非故以此勞民也直欲內外相維期底成績  
耳但邊地瘠薄荒遠素無有司里甲之用一有舉  
動未免派及軍餘中閫不無勞擾况武弁無識輒  
假科求訐告紛然物議叢起流弊自來誠有如科  
塹所言者但

欽遣大臣素推才望選擇司道必簡清脩自當愛惜

名義務思節省惟是道路往來官軍迎送會集合  
操守候勞費勢所不免若使預行告戒嚴禁逢迎  
隨地分操速遣回伍先聲所及孰不知畏其該鎮  
督撫鎮守司道等官更能仰體

朝廷省恤之意與差去大臣一德相成各從簡省  
一應餽送供給燕享通行裁革毋事虛文以相塗  
飾如有違例獻諛傷財害民者偶一懲之自足警  
百固不必慮此浮費求罷課功也所擬該科具題  
前因相應酌議合無遵照

穆宗皇帝聖旨如例上

請簡推才望大臣選委清慎司道照舊閱視惟復

俯納科臣所議今歲暫停差官行邊容臣等移咨各

鎮督撫會同巡按御史及司道等官將應閱八事

查照所奏覈實稽考分別功罪具

請定奪仍候五年之期另

請差官但事體重大臣等不敢輕擬伏乞

聖裁施行等因萬曆七年正月二十日具題二十二

日奉

聖旨遣官閱視邊務奉有

先帝明旨本因虜會款順恐邊臣弛備故用此儆惕  
人心振興頽廢這是防虜安邊大計如何詆爲無益  
若差去官糜費勞擾地方科歛奉承此自奉行者不  
得其人豈可因人廢法今歲且選差給事中三員會  
同各該巡按御史查閱以後應差年分臨期奏請李  
廷儀妄言阻格

先帝成命姑着罰俸半年欽此



題爲直陳虜情竝酌撫處機宜乞

賜揀擇以永奠疆圉事案呈到部看得宣大督撫  
官吳 等題謂宣鎮市馬每歲加增蓋因青永二  
大枝人馬之數與順義相等順義一枝分市大同  
山西二鎮青永二枝分市宣府一鎮屢經青永二  
會各欲比照順義馬數入京爲請節差通宣傳諭  
諸會照萬曆五年所賣三萬之數不許橫索以踰  
前數及稱欲蘇軍困則變賣夷馬必須從輕估價  
以免累軍其該鎮市本不足要將每歲年例客餉

銀兩以後照額全發以便動支并各軍以前所欠馬價一十一萬餘兩槩爲蠲免以後收買軍貨悉於題

准年例市本內照數動支不致那處易賣夷馬亦不高估價值以累貧軍各節爲照撫處夷市以消外患優養軍士以維內政此皆防邊要務不可偏廢所據議要全發年例客餉銀兩以便動支則費不加於額外減損馬價及蠲免舊欠以蘇軍士則惠可及於困窮均爲制虜安邊大計但虜馬上年

已及三萬今若就照三萬爲准則虜必又復求增  
惟當執言上年過多必不可從以折其意而臨時  
操縱全在督撫加意調停毋容太濫倘若市本不  
足聽於年例客餉與節年積餘減哨銀內相兼支  
助總不得過三萬之數庶乎可行既經該鎮督撫  
官會議前來相應依擬合候

命下移咨戶部將年例客餉銀兩查照所議全發以  
便支助其該鎮各軍以前所欠馬價一一萬二  
千二百二十八兩本部移咨該鎮督撫衙門照數

一槩蠲免其估賣不堪馬匹減輕變賣夷馬等項  
悉如所議施行再照虜奉大竿嗜慾無厭所擬宣  
府市買馬匹較之初議已逾數倍若使年後一年  
不爲限制不惟

帑藏有限亦且恐虞要求漸不可長後益難繼該  
鎮督撫官仍當仰

明旨嚴諭諸會曉以大義以後年分市馬務遵往年  
之數不得額外求增其差遣往來通事人役弁入  
市巡綽把守官軍悉宜申明禁約既不得潛與虜

交教誘求索亦不得輕率激虜致起事端至於派  
軍買馬終非長筭卽虜吞大餌未便渝盟而軍士  
之累何時可已今議減價賤買僅可稍舒目前而  
經久之圖尤當預講併候

命下移咨該鎮督撫詳議施行等因萬曆七年正月  
二十日具題二十二日奉

聖旨該鎮市馬着以五年額數爲准以後不許徇虜  
濫增全發客餉一節還會同戶部從長計處來說其  
餘俱依擬欽此

題爲集衆見陳末議以裨戎政事案呈到部看得  
巡視京營吏科右給事中帥江西道監察御史  
趙條陳七事均於戎政有裨合就開立前件議  
擬上請

定奪萬曆七年正月二十一日具題二十三日奉  
聖旨依議行欽此

計開

一議慎選將領

前件

臣

等查得武職每五年考選軍政兩京五

奏草

卷之六

府掌印僉書等官錦衣衛堂上官例各自陳  
肯下本部覆議去留請自

上裁其餘錦衣衛弁各衛所掌印僉書等官俱由兩  
京兵部考選具奏其兩直隸及各省衛所掌  
印僉書等官聽各該撫按會同司道等官考  
選去留造冊

奏繳及查京營副叅等官三年閱視與巡捕營官  
俱年終科道舉劾其九邊將領等官亦有三  
年閱視督撫陞遷巡按復

命舉劾無容別議外雖腹裏省直總副叅遊都司守  
備操守等官止有撫按官復

命舉劾中間不無掛漏況已經推擇漸致崇階本部  
縱有見聞未得卽便革處今擬科道具題前  
因無非慎重將帥之意合於五年考選之期  
本部移文各省且撫按等官行令總兵副總  
兵比照前例俱看自陳聽本部題覆請自

上裁其叅遊以下等官先期各該撫按查訪的確預  
造賢否文冊俟期開送部科備照本部仍會



同兵科叅詳去留上請

定奪如有大奸遺漏聽科道官拾遺至于京營各官  
仍行總協太監隨材器使果有樹立者奏行  
紀錄庸劣冒濫之徒不得干請夤緣數歲營  
務再照舊課貴精盡威貴恕况將帥之選與  
文職殊故有去詐去貪使功使過之說所議  
考察各官亦不必拘以額數定以地方惟是  
貪酷異常老弱無用及推奸避難剝剋軍士  
無他別長巧辯鋒刺者在所必黜其有氣質

粗率勇力少文雖有負俗之累寔多超乘之材者當取其所長棄其所短曲示保全其隱微曖昧之事或媚嫉飛語讎怨謗書竝不得偏聽苛責致有棄材恭候

命下著爲定例遵行狀乞

聖裁

一議分練卒伍

前件臣等看得京營軍士原係合營團練近以十萬之衆簡稽難周操演不便先該科道官

王道成等建議分操見經本部覆奉

欽依有行今據所議大畧與前意相同相應再行申飭合無備行總協大臣卽于原建置教場營堡等處舊基議定各營行令各該大小將領查照所議統領部軍着實操練務使竒正之法人人習知足裨實用其陞遷將領間以會歷邊方樹有戰功者相參推擇伏乞

聖裁

一議申飭禁兵

前件<sub>臣</sub>等看得勇士四衛二營官軍及圍子等

軍拱護 禁兵委當嚴慎近來冒占數多老

弱居半展轉規避蠹弊日深其見委坐營各  
官營政廢弛互相推諉委應申飭令無移文  
該監行令各坐營等官逐一清查頂冒選補  
精壯開造文冊送巡視科道衙門查點其二  
營坐營官各要分營操練遇有逃亡通詳挨  
補不得越伍鑽求亦不許該管官徇私撓補  
違者聽巡視科道官查叅究治伏乞

聖裁

一議精覈召募

前件臣等看得管軍不充向行召募雖則摘牌

揀驗選替甚嚴但有無賴廝役雇代虛冒又

有一等巧立教操武生名色圖糜厚餽鑽刺

營求妄難盡革合照所議備行總協大臣今

後遇有缺伍查照舊例收補清查冒濫嚴稽

選替俾行互相糾查其他教操官生盡數革

黜仍行各營將領每遇摘牌各役着實揀驗

務要精壯軍丁充補足堪征操勿得濫用幼  
弱虛冒糧餉每年終三大號頭通將收募過  
軍役開報巡視科道衙門逐一覆查叅除違  
者悉聽查訪的實指名叅究伏乞

聖裁

一議脩復牧政

前件臣等查行營馬廠刺下場牧放復因地歸  
占種議徵子粒停廢既久遽難議復所據責  
成稽察立法比較甚于馬政有裨會無待令

戎政大臣嚴行各營中軍把總等官備將馬  
匹年齒毛色及肥瘠應留應賣等項逐月查  
點填造比較文冊候巡視科道并戎政衙門  
不時吊驗應息分別賞罰伏乞

聖裁

一議重懲科剋

前件臣等看得各該將領不恤軍士多有科剋  
苛求致人告擾若不嚴加重治何以警戒將  
來今據所議合無備行總協大臣除揭示細

訪外仍專責令各營副叅等官嚴禁中軍千  
把總官不許似前科擾致害軍士仍要按季  
開報有無科剋等獎如有怙終不悛聽巡視  
科道官查叅究治倘該營將領犯法加等不  
貸縱容隱護一併連治伏乞

聖裁

一議卹處事宜

前件臣等看得看伍新軍餉該存恤乃有尚奉  
驗營支糧類多死傷疾病寔由卹處失宜殊



可痛憫合無備行戎政衙門行令各該將領  
弁衛所指揮等官凡軍解到日務要加意撫  
循毋令失所年終查有逃亡數多者悉聽巡  
視科道官查叅究治伏乞

聖裁

題爲北虜大舉入犯仰伏

天威主將奮勦大捷事職方清吏司案呈到部看得  
遼鎮總督撫鎮等官右都御史梁 等題爲照東  
虜土蠻速把亥等頻歲犯遼迄無寧日連遭挫折  
積忿益深頃因要挾未遂乃復大肆狂圖結集黃  
虜構煽屬夷銳騎師分侵關外大部三萬突入  
東昌該鎮 撫總兵官哨探素明分布預定先調  
各兵防守嚴密協力拒堵遏其衝李成梁躬率  
銳卒出塞直搗賊營遂使賈勇奮擊潰其腹心方

張巨寇噉尾遁奔大部老營駢首就戮其既奇  
收功尤偉所據斬獲在陣賊級八百八十四顆馬  
駝盈甲俱逾十數其餘夷器無算及查我兵殺傷  
不多屯堡並無攻燬臣等歷考前聞載稽近事卽  
廣寧豐潤之拜首功未平懷柔東寧之封破虜數  
百二百年不僮僮見此真足以慰

二祖

九宗

列聖在天之靈舒

仁聖

慈聖

兩宮東顧之念是皆

皇上神武布昭

威德遠被軫念全遼加賚加餉訐謨石畫定自

禁中沉機遠猷授之闕外是以將士用命克奏膚功

如此一時文武諸臣何敢言勞簡激勸之典例不

容也如總督梁 王鎖鑰於薊門王猷允塞宣制

節於遼左謀斷相成巡撫周 調遣在茲肅清

謀擣背乘虛勝筭多得均當優叙總兵官李成梁  
忠性報

國勇不顧身累戰累勝允懷敵愾之誠愈出愈奇  
益著橫行之畧尤當特加優叙其各司道部寺等  
官張 高 等或分參謀議各殫猷爲或督

理餉儲均竭心力將領等官秦得倚唐朴等或衝  
敵前鋒邀其銳進斬獲雖必摧陷功多或深入賊  
壘截其驍雄大功之成與有勞瘁績用雖殊均宜  
酌叙內蘇國賦楊燮劉承武王淮屏先後題叅革

任懲創日久今旣累立戰功似應附記錄用王國  
瑞武振張名武鄒軻各因失事受賊問軍終身似  
足與贖但部斬數目未明功罪未否相準合候覈  
冊再議其守堡官徐維瀚孫希孔致虜深入罪本  
難諉但偵報已明似應免究其陣亡被傷高得功  
等合照例卹錄及查

令甲所載陣前斬將舉旗擒斬賊首等項奇功原  
許卽時奏擬陞賞乃今前捷寔與例合旣該督撫  
等官具題及稱原任遼東巡撫今陞戶部尚書張

訓練功深恩威素著宜併加賞賚等因前來相  
應通行議擬題

諸合無恭候

命下將梁 周 特加陞廕李成梁特加封爵優叙

張 倂加優賚張 陞賞唐朴黃都李成材李

如栢李平胡李得全孫守廉劉崇正戴朝弁李澄

清秦得倚熊朝臣張相重加陞賞內唐朴李澄清

仍加副總兵職銜秦得倚加叅將職銜李成材李

平胡李得全孫守廉熊朝臣各加遊擊職銜量陞

署都指揮僉事張相加備禦職銜照例以都指揮  
體統行事各照舊管事李如栢仍遇缺推用高自  
新吳道明蘇國賦楊燮劉承武王惟屏同加優賞  
內蘇國賦楊燮劉承武王惟屏本部仍與紀錄翟  
等候覈冊至日再議徐維瀚孫希孔各免究  
其餘陣亡高得功等三名被傷蔡繼祖一百二十  
三員各本鎮各照例給發銀兩先加存卹仍與叙  
錄及獲功弁斬獲酋首員役併帶罪立有部功官  
王國瑞等四員斬獲多寡與地方有無別項失事



本部仍咨都察院轉行彼處巡按御史通查明實  
分別應陞應賞應贖應卹一併造冊限本年五月  
以裏具奏前來以憑議覆施行仍通行該鎮大小  
文武官員務要嚴加警懼防虜報復毋得倚恃常  
勝少自驕矜致隳前功有負任使但

特恩出自

朝廷臣等不敢擅擬其叔撫總兵各官應否  
賜勅褒獎併乞

聖裁遵奉施行等因萬曆七年正月二十三日少保

兼太子太保本部尚書方 等具題二十五日奉  
聖旨該鎮出邊擊虜斬馘數多功可嘉尚李成梁前  
後所獲功已中率今又奮勇出奇兵收全勝宜加  
叙以勸忠勞先賞銀一百兩大紅紵絲蟒衣一襲  
夢龍賞銀八十兩紵絲四表裏周詠六十兩二表裏  
張崇功唐朴等各賞銀二十兩高自新等翟繼  
各十五兩鄧梅等各八兩其所獲功次并該科所奏  
長定事情着巡按御史一併作速從實勘明限三  
內具奏另行議處本兵調度有功方逢時賞銀五十

兩紵絲四表裏鄭洛二十兩二表裏該司官掌印的  
銀十兩其餘各八兩以後各邊獲功奏捷俱先議入  
資其陞廕等項俱候勘明行欽此